



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-165-2/22**

Datum: **14.04.2022. godine**

«Agencija za vodno područje rijeke Save» Sarajevo rješavajući po zahtjevu Grada Bosanska Krupa podnesenom za izdavanje vodne saglasnosti za „Regulaciju rukavca rijeke Une“ na području Općine Bosanska Krupa u naselju Bosanska Otoka, na osnovu člana 114. a u vezi sa članom 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **donosi**

RJEŠENJE **o vodnoj saglasnosti**

1. Investitoru, „Grad Bosanska Krupa“, daje se vodna saglasnost na projektnu dokumentaciju pod nazivom: „Glavni projekat – Regulacija rukavca rijeke Une u Bosanskoj Otoci“ u svrhu uređenja i čišćenja korita rukavca, urađen od strane IBIS d.o.o. Zavidovići, juna 2021. godine, revidovana od strane HKP Consulting d.o.o. Banja Luka, 26.08.2021. godine.
2. Vodna saglasnost se donosi na osnovu utvrđenog činjeničnog stanja, pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljeni Glavni projekat je urađen u skladu sa osnovnim uslovima iz Rješenja za prethodnu vodnu saglasnost broj: UP-1/21-1-40-576-4/21 od 22.02.2022. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Izvođenje radova vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja i tehničkih uslova izvođenja iz navedene projektne dokumentacije.
 - 3.2. Nosilac prava iz vodne saglasnosti dužan je u saradnji sa izvođačem radova i nadzornim organom prije početka radova riješiti način uklapanja uređene obala u prirodno korito, tako što će se bez značajnijih zahvata u prostoru moći pristupiti realizaciji uređenja korita rukavca.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa i svim ostalim podacima koji se uobičajeno vode kod ovakve vrste radova.
 - 3.4. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.5. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.6. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.7. Nakon završetka radova neophodno je radni pojas koji uključuje korito, inundacioni pojas i obale rukavca urediti i očistiti od gradilišnih objekata, mehanizacije i gradilišnog otpada.
 - 3.8. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
 - 3.9. Sve kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi obuhvaćeni ovom fazom regulacije rukavca rijeke Une, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju rukavca rijeke Une na predmetnom potezu ili drugim aktivnostima vezanim za predmetne radove prouzrokuju štete i naruši stabilnost korita, postojećih objekata i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.

5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvjestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. Investitor (korisnik vodne saglasnosti) ostaje u obavezi, a kada period izvođenja radova na uređenju rukavca bude tačno preciziran, najmanje sedam dana ranije obavijesti predstavnike lokalne zajednice te korisnika ribolovnog prava na ovom ribolovnom području, o početku izvođenja radova na regulaciji korita rukavca rijeke Une na predmetnoj dionici.
7. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
8. Ukoliko se pojavi višak materijala iz iskopa prilikom izvođenja zemljanih radova, a koji ne bude iskorišten za radove na uređenju obala rukavca na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora, tj. korisnika ove vodne saglasnosti.
9. Korisnik vodne saglasnosti je dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
10. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
11. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, "Grad Bosanska Krupa", je podnio zahtjev dana 07.04.2022. godine za izdavanje vodne saglasnosti za regulaciju rukavca rijeke Une na lokalitetu Bosanska Otoka, Grad Bosanska Krupa, dužine 524,28 m, po projektnoj dokumentaciji dostavljenoj uz zahtjev: „Glavni projekat – Regulacija rukavca rijeke Une u Bosanskoj Otoci“ u svrhu uređenja i čišćenja korita rukavca, urađen od strane IBIS doo Zavidovići, juna 2021. godine, revidovana od strane HKP Consulting doo Banja Luka, 26.08.2021. godine.

Uz zahtjev za izdavanje vodne saglasnosti dostavljena je slijedeća dokumentacija:

- Odluka o osnivanju i djelokrugu rada Jedinственог organa gradske uprave Grada Bosanska Krupa broj: 01-02-67-2-1/22 od 16.03.2022. godine,
- Rješenje o prethodnoj vodnoj saglasnosti broj UP-1/21-1-40-576-4/21 od 22.02.2022. godine, izdato od strane «Agencije za vodno područje rijeke Save» Sarajevo,
- Rješenje kojim se daje Urbanistička saglasnost Službi za komunalne djelatnosti, vode zaštitu okoliša i inspeksijske poslove Grada Bosanska Krupa za uređenje rukavca rijeke Une u naselju Bosanska Otoka, na parceli označenoj kao k.č. broj 621 K.O. Otoka 2 u vlasništvu Općine Bos. Krupa, izdato pod brojem: UP-I-04-19-1-5299/21 od 01.04.2022. godine,
- Uvjerenje o registraciji poreznog obveznika izdato od Porezne uprave Federacije BiH – Kantonalni porezni ured Bihać dana 17.03.2022. godine,
- Kopija ukaza o proglašenju Zakona o gradu Bosanska Krupa objavljen u „Službenim novinama Federacije BiH, broj 17/22“,
- Dokaz o uplaćenju administrativnoj pristojbi – kopija uplatnice,
- Kopija katastarskog plana UR BROJ: 04-26-2-8073/2021-19 od 19.11.2021. godine,
- Zemljišnoknjižni izvadak broj: 018-0-NAR-21-001 189, ZK uložak broj 165, K.O. Otoka II, izdat od strane Zemljišnoknjižnog ureda Općinskog suda u Bos.Krupi dana 29.11.2021. godine,

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za uređenje rukavca rijeke Une angažirao ovlašteno pravno lice, „IBIS“ d.o.o. Zavidovići koje je uradilo Glavni projekat kako je prethodno navedeno u tački 1. rješenja,

Projektna kuća posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12).

- Da je od strane ove Agencije, rješenjem broj UP-I/25-1-40-576-4/21 od 22.02.2022. godine, izdana prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - Situativni prikaz projektnog rješenja za dionicu planiranih radova uređenja rukavca rijeke Une u Bosanskoj Otoci, razmjere 1:1000. U projektnoj dokumentaciji je priložen uzdužni profil u razmjeri 1:1000/100 i poprečni profili u razmjeri 1:100/100;
 - Predviđenim radovima na uređenju rukavca rijeke Une planirano čišćenje i poboljšanje hidromorfoloških karakteristika korita i obala rukavca. Rang zaštite od velikih voda nije definiran i cilj ovih zahvata je smanjenje opasnosti od poplava okolnog područja.
 - Usvojen je normalni profil prilagođen postojećem stanju obale rukavca. Nagib kosine obale korita je 1:1,5 do 1:2, a dobiven je nakon analize varijanti čišćenja i uređenja obala korita rukavca. Iskop – čišćenje korita rukavca će se vršiti na način da se u istom nagibu kao postojeća obala produbi korito do projektovane nivelete dna. Na dionicama na kojima postoje zidovi iskop nataloženog materijala će se vršiti do temelja zida.
 - Mjerodavni proticaj na predmetnom lokalitetu iznosi $Q_{1/100} = 1118,25 \text{ m}^3/\text{s}$.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. „Zakona o vodama“ i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Fuad Mujagić, dipl.inž.

Prilog:

Ovjerena dokumentacija: „Glavni projekat – Regulacija rukavca rijeke Une u Bosanskoj Otoci“ u svrhu uređenja i čišćenja korita rukavca, urađen od strane IBIS d.o.o. Zavidovići, juna 2021.godine, revidovana od strane HKP Consulting d.o.o. Banja Luka, 26.08.2021. godine.

22 Po ovlaštenju
Rukovodilac sektora za izdavanje
vodnih akata



Haris Ališehović, dipl.inž.građ.

Dostaviti:

- Grad Bosanska Krupa, Terzića bb, Bosanska Krupa (sa prilogom)
- ISV - vodna knjiga - ovdje;
- ⊖ Arhiva - ovdje;
- AVP Sava - Oglasna ploča